

§. XVIII.

Aequitati non aduersatur naturali, ius repraesentationis, etiam in successione descendentium, non obseruari. Taxatur Domat.

Quae quum ita sint, ius repraesentationis, particulam successionis ab intestato, seruari aut non seruari, id vero perinde aequum et iustum esse videtur, si verum, quod dixi, et vnicum successionis ab intestato principium spectetur. Neque haecenus inter cognatos recta descendentes et collaterales diuersitatem deprehenderim. Equidem praeter Heroldum et alios, quos supra §. VIII. videas adductos, Domat in libro, cui titulum fecit: Les loix ciuiles dans leurs ordre naturel, Partie II. Liu. II. Section II. art. 2. On peut remarquer, inquit, sur le droit de representation, qu'ont les descendans, que, comme il est de l'equité naturelle, il est en v'sage dans les Coutumes comme dans les Prouinces, qui se regissent par le droit escrit. Cependant il y a quelques etranges Coutumes, ou les descendans n'ont pas le droit de representation. De sorte que les enfans excluënt de la succession de leur pere les enfans de leurs freres ses petits enfans. Quibus doctor Gallus significauit, propterea ius repraesentationis in successione descendentium moribus et legibus scriptis esse introductum, quod aequitatis naturalis habeat rationem. Ita vt simul taxet iniquitatisque redarguat alias consuetudines, *etranges coutumes* ab illo dictas, quae iuri repraesentationis inter descendentes locum haud reliquerunt. Fortassis cum Grauiua, Italo Icto, ius Romanum ipsam rationem venditante fecit, quo ius repraesentandi in successione descendentium ex sola naturali causa pendere dicitur, vid. Authent. in successionem Cod. de suis et legitimis liberis. Quae eadem aequitatis naturalis ratio Vlpiano arrisit in l. 1. ff. de suis et legit. hered. cuius §. 4. *si filius suus*, inquit, *heres esse desit, in eiusdem partem succedunt omnes nepotes neptesque ex eo nati, qui in potestate sunt:*
quod